



**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 151. De Hierarchica Dignitate Personarum, à quibus Habitus tertii
Ordinis assumptus est, & quidem primè Summi Pontifices, qui Habitu tertii
Ordinis vestiti sunt.

[urn:nbn:de:hbz:466:1-64103](https://nbn-resolving.de/urn:nbn:de:hbz:466:1-64103)

Regius Orator venisset pro Commandis Temporiorum tunc extictorum impetrandis; ex ejus consilio, novus Ordo, sub titulo: Equitum Militiae Christi, institutus est à Rege Lusitaniæ; cum annexione Commendarum prædictarum & Confirmatione Apostolicâ Joannis XXII. additâ speciali Bullâ: *Cum horum bonorum. Eccl. datâ. 14. Martii. 1319.*

Qui plures Ordines, Congregationes, Confraternitates, piæque perpetuæ memoriæ Fundationes ex hac III. Seraphica Vinea, tanquam tot novos palmites desiderat: consulat *Historica prolog. Menol. S. Franc. sub finem.*

§. II.

Quantum ad Hierarchicam Dignitatem Personarum, à quibus Habitus Tertiæ Ordinis S. FRANCISCI assumptus est; nulla est in Statu Ecclesiastico Gradus Excellentia: quæ de eo, & de qua vicissim Tertius hic Seraphicus Ordo gloriari non possit.

*Summi Pontifices ex III. Ordine
S. FRANCISCI.*

Ex summis Pontificibus Ordinem III.
S. Franc. de Pœn. suscepérunt.

CLI. **G**regorius IX. Erat hic oriundus de civitate Anagniæ, Hugolinus ante dictus. Tristerii de Comitibus Signie Filius, Episcopus Ostiensis, & Veliternus, Innocentii III. Nepos. Creatus Romæ, & coronatus ad S. Petrum 5. Kal. April. 1227. Creavit Cardinales 13. Chronica & Scriptores Ordinis ipsum mirè commendant de sanctitatis commercio, quod cum S. Francisco, ejusque Sociis & Fratribus perennavit, quorum Habitum ad excellentiores fines sæpius portavit, Apostolicam suam Dignitatem, sùmque Majestatem sub paupere cucullo abscondit. Ss. FRANCISCUM, Antonium, & Elizabetham canonizavit, plurimaque præ-

stit. Ob quæ meritò dicat Ordo Seraphicus, illum fuisse suum Pontificem. Vixit in Pontificatu Annos 14. Menses 5. dies 10. quibus Jus Canonicum suis Decretalibus clarissimè instruxit. Obiit Romæ 11. Kal. Septemb. 1241. Corpus ejus sepultum est in Basilica S. Petri. Ita *Lancelot. in Bullar. Chron. Rhetnecc. in Biante. Sann. Fortun. Huber. fol. 211.*

Martinus IV. Sanctitatem suam beatâ morte, crebrisque miraculis ad Sepulchrum suum editis testatam fecit. Fuit is natione Gallus, ex Brya, nobili Monpinciorum Familia originem trahens. S. R. E. Cardinalis, titulo S. Cæciliæ, Legatus Apostolicus in Gallia, quando ad summi Pontificatûs apicem fuit electus. Fuit autem vir optimus, & integrissimus, Ecclesiasticæ Auctoritatis Propugnator acerrimus, in ædificando magnificus, in Pauperes, & Nobiles calamitatibus oppressos munificentissimus. Quanti æstimaverit Ordinem Fratrum Minorum; non modò constat ex eo; quòd Generalibus & Provincialibus dederit auctoritatem, nomine S. R. Ecclesiæ instituendi Syndicos, sed etiam, quòd ante mortem Religioso Ordinis Habitum vestiri, & in eodem sepeliri voluerit, sùmque corpus Assisium ad S. FRANCISCI Ecclesiam transferri mandaverit, relicto inter alios Jacobo Sabello Cardinale, Testamenti sui Executore. Qui dum ad summi Pontificatûs honorem ascendit sub nomine Honorii III. etiam quoad hoc voluit ultimam Sancti Pontificis voluntatem impleri, scriptis Perusium litteris: nam ibidem obiérat Martinus IV. anno 1285. Translationem hanc ægre tulerunt Perusini, nolentes sanctum corpus à se dimittere, sed in Cathedrali Ecclesia S. Laurentii apud se sepelendum curaverunt; cùmque post annos aliquot Templum repararetur: inventum est idem corpus omnino integrum, Habitusque Minoriticus, in quo sepultus erat, omnino il-

la-

Iæsus. Rexit Ecclesiam Dei annis 4. Mense 1. Diebus 7. ad ejus tumulum multi infirmi, cæci, surdi, claudi, & muti desideratam sanitatem receperunt. Ita Menol. S. Franc. ad diem 2. Martii. n. 1. & 2. Platina. F. Thitem. Gualt. Baron. Wading.

in Ara Cæli Curiaæ Commissario, & Regis Catholici Theologo, Regul. Observantiaz; ipse P. Diaz mihi jure-jurando adhuc vivens attestatus est.

*Cardinales ex III. Ordine
S. FRANCISCI.*

CLII. **I**nter Purpuratos S. R. E. Cardinales (qui tanto prosecuti sunt honore, & amore D. FRANCISCI Institutum; ut humilem ejus Habitum Pœnitentiaz; gloriozæ Purpuræ non tam æquaverint, quam Statum hunc Tertii Ordinis de Pœnitentia assumendo prætulerint) jure meritissimo omnium primas sibi vendicat Eminentissimus D. Gabriel de Trejo. Cardinalis Presbyter; titulo S. Pancretii, & Archi-Episcopus Salernitanus, Hispanus, & germanus Frater Antonii de Trejo Episcopi Carthag. Quibus ambobus cum famosus P. Lucas Wadingus Ordinis Chronologus Opuscula S. Francisci à se edita dedicâsse, inter alia scribit: id mihi, imò & universæ Regis Catholici Curiaæ probavit nunquam sat laudanda, sed nec aliquando delenda Emin. Cardinalis pietas; qui, ut rubeum accepit Pileum: cinericeum superinduit in pleno Nobilium Confessu III. Ordinis Franciscani Habitum, quasi purpuream celsitudinem circumdari voluerit mortis memoriâ in cantæ Majestatis fastigio, & sub humili veste Pœnitentium legibus adstringi, ne tantæ gloria periculofo tumore posset efferriri. &c. Postea insigni Responso 3. Julii. 1621. Zelum suum ardentissimum erga III. Ordinem S. FRANCISCI explicuit Tibure. Sicuti ad longum refertur in prol. opus. S. Franc. Egóque fragmentum ejusdem retuli in Praef. ad Lectorem. Vide Menol. S. Fran. fol. mihi 31. n. 12.

Ludovicus Ferdinandus Porto-Carero Cardinalis & Archi-Episcopus Toletanus: in